



婦人良方 卷之一

陳自明良甫編
寛永版

1635

重要参考書
宋代(元六〇)人陳自明著婦人良方大全八全部廿四卷
ニシテ京都二傳來セルハ足利時代ト思ハル再承平邦ノ臣家ハ
婦人科ノ古典トシテ江戸時代ニ及ビタリ

特別
79
1087
1



1027

太醫院校註婦人良方序

秀水石山沈謚撰



病一也而婦人為難醫一也而識病
 為難夫病多始於七情遂古之初性
 靜情逸精神純暢每治于未病之先
 治之以不治也以故藥不試而躋上
 壽者比比迨乎後世恣情縱欲精神



耗而元氣索病道且多而醫効日少
况婦人女子之性陰濁勝而陽明微
喜怒哀樂發而中節者寡其為病常
浮于男子什九欲診問以識所因亦
誠難矣吳郡立齋薛君雅好岐黃素
難之書每為人治病察色辨脉變藥
立方增除橫出優游容與俟其自愈

不示功不計程期在必起時精絕於
醫者不能及尤旁通外科女科之指
間取臨川陳良甫所著婦人良方一
帙為之補註附以治驗示余讀之見
其發揮經絡揆度陰陽網羅百病凡
婦人症最人所難識者彬彬可睹蓋
薛君生平精力不暇妄費坐卧行住

須臾不離嗚呼斯亦觀其深矣業者
當自得之

嘉靖歲丁未冬十月既望

太醫院校註婦人良方用藥宜禁

各症詳見本門復錄
卷特以指示急用也

一通經丸若脾胃無虧暴怒氣逆或生冷所傷陰血凝滯月經
不通者宜暫用之若脾胃虛弱不能生血者宜用六君子當歸
若因脾胃鬱久內耗其血者宜用歸脾湯若因肝脾鬱怒氣
血傷而月經不通者宜用加味歸脾湯若因肝脾虛熱血傷而
月經不通者宜用加味逍遙散

方見本門後做此

一艾附丸若脾胃虛寒陰血不足氣逆發熱月經不調或胎氣
不成者暫宜用之若肝腎虧損陰虛發熱月經不調或崩漏
帶下或便血吐衄小便淋瀝或肺熱內熱寒熱往來或盜汗
自汗不時發熱宜用六味地黃丸若魚脾氣不足飲食少思
者佐以六君子湯

四物湯若脾經血燥發熱或月經不調宜暫用之若因脾經虛熱肝經怒火所致宜用四君子佐以加味逍遙散若因脾經氣虛血弱兼補熱內熱宜用八珍湯加柴胡丹皮若因走氣下陷而致諸症宜用補中益氣湯

一 人參橘皮湯若胎前氣痞痰滯作嘔不食者宜暫用之若脾胃氣虛胸膈痞脹痰停作嘔飲食少思者宜用半夏茯苓湯若因怒動肝火剋制脾土而致前症者宜用六君子加柴胡山梔枳殼脾胃虛寒者用六君子加木香砂仁內半夏治脾胃虛寒諸症尤當用

一 紫蘇順氣飲若胎動不安元氣無虧者宜暫用之若因脾氣虛弱者宜用六君子加紫蘇枳殼鬱結傷脾者宜用四君子

加柴胡山梔蘇梗鬱怒傷脾肝者宜用六君子加柴胡

一 四物膠艾湯若內熱胎痛下血不止者宜暫用之若因肝經風熱而下血者宜用防風黃芩丸若因肝火血熱宜用加味

逍遙散若因脾經鬱火宜用加味歸脾湯若因脾氣虛陷宜用補中益氣湯倍加升麻柴胡若因事下血者宜用

一 黃芩白朮二味為安胎之藥若脾胃蘊熱中氣無虧者暫宜用之凡屬脾胃虛痞飲食少思或泄瀉嘔吐面色痿黃肢體倦怠者宜用六君子湯

一 達生散若厚味安逸者宜用若葛葉勞役者不宜用

一 妊娠腹痛須驗其面赤舌青者此胎已死用平胃散加朴硝三錢化下之下後隨用八珍大補等湯調補之若口俱青

吐山痰沫者子母俱死也若面舌俱青者母死子活產下死亦
 小續命湯若外中風邪腰背反張筋脉痠疼者宜暫用之若
 產後失血過多陽火熾盛虛熱生風者宜用八珍湯加鈞藤
 丹皮如不應當用四君子湯加當歸丹皮鈞藤若陽氣脫陷
 者宜用補中益氣湯如不應急加附子氣血虛敗者宜用十
 全大補湯如不應急加附子亦有生者
 澤蘭湯若產後惡露腹痛胸滿少氣宜用之若體倦面黃食
 少少寐而惡露不止宜用加味歸脾湯若氣血虛損而惡露
 上攻先用失笑散後用八珍湯禁用黑神散奪命丹之類
 一產後口鼻起黑氣鼻衄者是胃氣虛敗而血滯也急用一味
 參蘇飲多有生者
 藥禁畢

大醫院校註婦人良方凡例

- 一各論有重複關更者導其難及歷代名醫治法增減庶灼見本症病因不致紛雜難曉
- 一各論有陳無擇能教者一先生評論治法去繁就簡併入本論以便觀覽
- 一諸治驗原隨方者悉從其舊若詞義重複者刪之以便覽閱
- 一傷寒之症反覆變遷命係毫髮須熟讀仲景等書專為一科庶無博而不精之誤
- 一製藥之法當因病制宜本集所云未備不錄恐執泥也
- 一各方有合大劑者今減作小方庶得臨症損益量病加減其有常服者悉仍舊

大醫門科言婦人良方目錄
十一卷首論妊娠所禁之法當為遵守其所用之藥不可輕
一補遺第二十四卷各卷已備不錄今補遺卷等一十四症方
論足成其卷
一芍藥之性味酸寒產後用之於大補八珍等湯內以酒拌炒
用無妨凡屬脾胃虛寒虛弱面色痿黃者亦宜酒拌炒用

凡例畢

太醫院校註婦人良方目錄

卷之一

調經門

月經序論第一

精血篇第二

產寶方序論第三

王子亨方論第四

月水不調方論第五

月經不通方論第六

養生必用論病第七

室女月水不通方論第八

大醫門科言婦人良方目錄

室女經閉成勞方論第九
血枯方論第十
月水不利方論第十一
月水行止腹痛方論第十二
月水不斷方論第十三
殺血心痛方論第十四
暴崩下血方論第十五
帶下方論第十六
崩中漏下生死脉方論第十七
白濁白淫方論第十八
天癸過期方論第十九

血分水分腫滿方論二十
卷之二

衆疾門

產寶方論第一
博濟方論第二
冠宗真論第三
通用方序論第四

卷之三

衆疾門

中風諸症方論第一
中風角弓反張方論第二

中風口禁方論第三

中風不語方論第四

風痺手足不隨方論第五

中風自汗方論第六

筋脉痠癢方論第七 新附

虛風顫振方論第八 新附

風寒臂痛方論第九

賊風偏枯方論第十

偏風口喎方論第十一

血風心神驚悸方論第十二

失血過多心神不安方論第十三

風邪顛狂方論第十四

飛尸血厥方論第十五

卷之四

衆疾門

血風肢體骨節疼痛方論第一

血風白虎歷節走疰方論第二

血風癭癧瘰癧方論第三

虛風頭目眩暈方論第四

血風頭痛方論第五

頸項強痛方論第六

腰痛方論第七

腰脚疼痛方論第八
風邪脚氣方論第九

卷之五

衆疾門

勞瘵各症方論第一

二十四種蒸病論第二新附

骨蒸勞方論第三

血風勞氣方論第四

冷勞方論第五

卷之六

衆疾門

熱勞方論第一

客熱方論第二

寒熱方論第三

寡婦寒熱如瘧方論第四

惡寒方論第五

血風煩悶方論第六

血風攻脾不食方論第七

夢與鬼交方論第八

傷寒傷風方論第九

熱入血室方論第十

咳嗽方論第十一

咳嗽用溫藥方論第十二
 勞嗽方論第十三
 喘滿方論第十四
 風痰積飲咳嗽方論第十五
 心胸嘈雜方論第十六
 卷之七
 衆疾門
 嘔吐方論第一
 霍亂方論第二
 翻胃吐食方論第三
 血膈方論第四

鼻血方論第五
 吐血方論第六
 痰癖諸氣方論第七
 疝瘕方論第八
 八瘕方論第九
 腹中瘕血方論第十
 瘕痞方論第十一
 食瘕方論第十二
 積年血瘕方論第十三
 血氣心痛方論第十四
 血氣心腹疼痛第十五

太醫完交主

血氣小腹疼痛第十六
兩脇脹痛方論第十七
心腹脹滿方論第十八

卷之八

衆疾門

小便淋瀝不通方論第一
脬轉小便不利方論第二
小便數方論第三
遺尿失禁方論第四
小便出血方論第五
大便不通方論第六

老弱風人便秘戒用利藥第七

泄瀉秘結方論第八

泄瀉方論第九

協熱下利方論第十

滯下方論第十一

痢後嘔噦方論第十二

大便下血方論第十三

痔瘻方論第十四

脫肛方論第十五

陰腫方論第十六

陰痒方論第十七

陰冷方論第十八
陰挺下脫方論第十九
陰中生瘡方論第二十
交接傷丈夫頭痛方第二十一
交接輒痛出血方第二十二
交接他物所傷方第二十三
小戶嫁痛方第二十四

卷之九

求嗣門

陳無擇求子論第一
褚尚書求男論第二

婦人無子論第三
千金翼求子方論第四
交會禁忌第五
男子受胎時日法第六
推支干旺相日法第七
推每月宿日第八
求子服藥須知第九
溫隱居求嗣保生篇第十

卷之十

胎教門

妊娠總論第一

受形論第二
受形篇第三
論胎教第四
孕元立本章第五
凝形殊稟章第六
氣質生成章第七
轉女為男法第八

卷之十一

候胎門

脉例第一
診婦人有妊歌第二

驗胎法第三
胎殺避忌產前將護法第四
食忌論第五
孕婦藥忌歌第六

卷之十二

妊娠門

隨月服藥將息法第一
惡阻方論第二
痰逆不食方論第三
胎動不安方論第四
胎漏下血方論第五

大醫心方卷之十一
目錄

卒然下血方論第六
驚胎及僵仆方論第七
胎上逼方論第八
下如豆汁胎動腹痛方第九
誤服毒藥胎動方第十
心痛方論第十一
心腹痛方論第十二
中惡方論第十三
腰腹背痛方論第十四
小腹痛方論第十五
心腹脹滿方論第十六

卷之十三

妊娠門

數墮胎方論第一
胎不長方論第二
胎不安方論第三
墮胎後血下方論第四
未足月欲產方論第五
斷產方論第六
咳嗽方論第七
吐血衄血方論第八
子煩方論第九

煩躁口乾方論第十

卷之十四

妊娠門

中風方論第一

風痙方論第二

瘕瘕方論第三新附

鬼胎方論第四

傷寒方論第五

時氣方論第六

熱病方論第七

傷寒熱病防損胎方論第八

熱病胎死腹中方論第九

瘡疾方論第十

霍亂方論第十一

卷之十五

妊娠門

泄瀉方論第一

下痢黃水方論第二

大小便不通方論第三

小便不通方論第四

子淋方論第五

遺尿方論第六

尿血方論第七

胎水腫滿方論第八

腹內鍾鳴方第九

龍彥德孕癰方第十

不語論第十一

傷食方論第十二

臟燥悲傷方論第十三

卷之十六

坐月門

產寶方周頰序第一

將護孕婦論第二

滑胎例第三

月室方位例第四

逐月安產藏衣忌向方位第五

推妊婦行年法第六

體玄子借地法第七

禁草法第八

禁水法第九

入月預備藥物第十

卷之十七

產難門

產難論第一

楊子建十產論第二

催生方論第三

交骨不開產門不閉方論第四新附

郭稽中產難方論第五

產難子死腹中方論第六

產難生死訣第七

卷之十八

產後門

產後將護法第一

調理法第二

通用方論第三

胞衣不出方論第四

血暈方論第五

顛狂方論第六

狂言謔語方論第七

不語方論第八

卷之十九

產後門

乍見鬼神方論第一

心神驚悸方論第二

中風心驚方論第三

中風恍惚方論第四

虛極生風方論第五
虛汗不止方論第六
胃悶汗出方論第七
汗多變瘧方論第八
口禁腰背反張方論第九
中風方論第十
四肢筋攣方論第十一
瘳瘵方論第十二新附
脚氣方論第十三
卷之二十
產後門

遍身疼痛方論第一
腰痛方論第二
惡露不絕方論第三
惡露不下方論第四
惡露上攻心痛方論第五
惡露腹痛方論第六
兒枕腹痛方論第七
小腹痛方論第八
寒疝腹痛方論第九
兩脇脹痛方論第十
積聚癥塊方論第十一

血癥方論第十二
餘血奔心煩悶方論第十三
虛煩方第十四

卷之二十一

產後門

口乾痞悶方論第一
血渴方論第二
乍寒乍熱方論第三
瘡疾方論第四
羸勞方論第五
虛羸方論第六

風虛勞冷方論第七
腹脹滿悶方論第八
嘔逆不食方論第九
霍亂方論第十

卷之二十二

產後門

寒熱方論第一
頭痛方論第二
咳嗽方論第三
喘促方論第四
口鼻黑鼻衄方論第五

大醫方脈論卷之二十三
目錄
十四

咳噫方論第六

血崩方論第七

月水不調方論第八

月水不通方論第九

四肢浮腫方論第十

腹痛瀉利方論第十一

痢疾及虛羸氣痢方論第十二

卷之二十三

產後門

痢疾作渴方論第一

大便秘澁方論第二

大小便不通方論第三

遺糞方第四

諸淋方論第五

小便頻數方論第六

小便不禁方論第七

小便出血方論第八

陰脫玉門不閉方論第九

陰蝕疝方論第十

乳少或無方論第十一

乳自出方論第十二

妬乳方論第十三

卷之二十四

瘡瘍門

新附

齒唇方論第一

耳聾痛方論第二

瘰癧方論第三

結核方論第四

流注方論第五

血風瘡方論第六

赤白遊風方第七

橫痃方論第八

鶴膝風方論第九

下注腫瘡方論第十

足跟瘡方論第十一

肺癰方論第十二

腸癰方論第十三

乳癰乳岩方論第十四



大醫院校註婦人良方大全卷之一

江右臨川陳自明良甫編
大醫院使立齋薛已校註
建邑書林泗泉余彰德梓

調經門凡醫婦人先須調經故以為首

月經序論第一

岐伯曰女子七歲腎氣盛齒更髮長二七而天癸至任脈通太衝脈盛月事以時下天謂天真之氣癸謂壬癸之水故云天癸也然衝為血海任主胞胎一脈流通經血漸盈應時而下常以三旬一見以像月盈則虧也若遇經行最宜謹慎否則與產後症相類若被驚怒勞役則血氣錯亂經脈不行多致勞瘵等疾

○大醫院校註婦人良方

卷一



若逆於頭面肢體之間則重痛不寧若怒氣傷肝則頭暈脇痛
嘔血而癩癰癰瘍若經益內滲則竅穴淋瀝無已凡此六淫外侵
而變症百出犯時微若秋毫成患重如山岳不可畏哉

愚按血者水穀之精氣也和調五臟洒陳六腑在男子則化
為精在婦人上為乳汁下為血海故雖心主血肝藏血亦皆
統攝於脾補脾和胃血自生矣凡經行之際禁用苦寒辛散
之藥飲食亦然詩云婦人和平則樂有子和則陰陽不乖平
則氣血不爭故經云平和之氣三百一見可不慎哉

精血篇論第二 齊大夫褚登遺書

飲食五味養骨髓肌肉毛髮男子為陽陽中必有陰陰中之數
八故一八而陽精升二八而陽精溢女子為陰陰中必有陽陽

中之數七故一七而陰血升二七而陰血溢皆飲食五味之實
秀也方其升也智慮開明齒牙更始髮黃者黑筋弱者強豈其
溢也凡充身體手足耳目之餘雖針芥之歷無有不下凡子形
肖父母者以其精血盡於父母之身無所不歷也是以父一肢
廢則子一肢不肖其父母一目虧則子一目不肖其母然雌鳥
牝獸無天突而成胎何也鳥獸精血往來尾間也精未通而御
女以通其精則五體有不滿之處異日有難狀之疾陰已痿而
思色以降其精則精不出而內敗小便澀而為淋精已耗而復
竭之則大小便牽痛愈痛則愈便則愈痛女人天突既至
踰十年無男子合則不調未踰十年思男子合亦不調不調則
舊血不出新血誤行或漬而入骨或變而為腫後雖合而難子

命多則瀝枯虛人產衆則血枯殺入觀其精血思過半矣
愚按丹溪先生云人受天地之氣以生天之陽氣爲氣地之
陰氣爲血故氣常有餘血常不足夫人之生也男子十六歲
而精通女子十四歲而經行故古人必待三十二而後嫁
娶可見陰氣之難成而養之必欲其固也經曰年至四十陰
氣自半而起君衰矣夫陰氣之成止供給得三十年之運用
况男子六十四歲而精絕女子四十九歲而經斷夫腎乃陰
中之陰也主閉藏者肝乃陰中之陽也主疎泄者然二臟
皆有相火其系上屬于心心火一動則相火翕然而從之所
以丹溪先生只是教人收心養性其旨深矣天地以五行更
迭衰旺而成四時人之五臟六腑亦應之而衰旺如四月屬

巳五月屬午爲火火旺火爲肺金之夫火旺則金衰六月屬
未爲土大旺土爲水之夫土旺則水衰况腎水常藉肺金爲
母以補其不足古人於夏月必獨宿而淡味兢兢業業保養
金水二臟正熇火土之旺爾經又曰冬藏精者春不病溫十
月屬亥十一月屬子正火氣潛藏必養其本然之真陰助來
春生發之氣則春末夏初無頭暈脚軟食少體熱注夏之病
矣竊謂人之少有老態不耐寒暑不勝勞役四時迭病皆因
氣血方長而勞心虧損或精血未滿而早斷喪故見其症難
以名狀若左尺脉虛弱或細數是左腎之真陰不足也用六
味丸右尺脉遲軟或沉細而數欲絕是命門之相火不足也
用八味丸至於兩尺微弱是陰陽俱虛用十補丸此皆滋其

化源也不可輕用黃柏知母之類設或六淫外侵而見諸症亦因其氣內虛而外邪湊襲尤宜用前藥

附治驗男子陰痿精耗治驗見內科摘要

一婦人年三十有七早孀居兩腿骨作痛晡熱體倦月經不調或發寒熱數年矣一日頸項兩側結核兩脇脹痛此係肝經鬱火而成也先用小柴胡湯合四物數劑肝症頓愈又用加味道遙散加澤蘭乳香沒藥三十劑血症漸痊再用加味歸脾等藥年餘而安

一孀婦兩腿作痛或用除濕化痰等藥遍身作痛而無定處余曰此血症也不信乃服流氣飲之類而歿

一放出宮人年四十餘臀腿內股作痛晡熱口乾月經不調此

係肝經血少不能養經絡而然也宜用加味道遙散加澤蘭葉五十餘劑諸症稍緩又以歸脾湯兼服二百餘劑而痊

一放出宮人臀腿腫痛內熱晡熱惡寒體倦咳嗽胸痞月經過期而少彼以為氣毒流注服清熱理氣之劑甚眾余曰此乃肝經瘀血停留所致蓋肝經上貫兩布脇肋循喉嚨下循臍內廉繞陰器抵少腹之治之法但當補其所不勝而制其所勝補者脾也制者肝也經曰虛則補之實則瀉之此定法也彼不信仍服前藥遂致不起

附方

六味丸 八味丸

十補丸 三方丸 一十四卷第十一論

小柴胡湯方見二十四卷第二論
四物湯方見二十四卷第六論
加味逍遙散
加味歸脾湯 二方見二十四卷第四論

產寶方序論第三

大率治病先論其所主男子調其氣女子調其血氣血者人之神也然婦人以血為基本苟能謹於調護則血氣宣行其神自清月水如期血凝成孕若脾胃虛弱不能飲食榮衛不足月經不行飢膚黃瘦面無光澤寒熱腹痛難於子息或帶下崩漏血不流行則成瘦症
愚按前症若婦人脾胃久虛以致氣血俱衰遂而月經不行

宜補其胃氣滋其化源或患中消胃熱津液不生而致血海乾涸宜清胃補脾其經自行矣經曰胃者衛之源脾者榮之本鍼經曰榮出中焦衛出上焦衛不足益之必以辛榮不足補之必以甘辛相合脾胃健而榮衛生是以氣血俱旺也或因勞心虛火妄動月經錯行宜安心補血瀉火此東垣先生治法也

王子亨方論第四

論曰經者常候也謂候其一身之陰陽怱伏知其安危故每月正至太過不及皆為不調陽太過則先期而至陰不及則後時而來其有乍多乍少斷絕不行崩漏不止皆由陰陽衰盛所致愚按經云脾統血肝藏血此症多因恚怒傷肝鬱結傷脾所

致當從二經為主而參以前論治之

月水不調方論第五

婦人月水不調由風邪乘虛客於胞中而傷衝任之脈損手太陽少陰之經蓋衝任之脈皆起於胞中為經絡之海與手太陽小腸手少陰心經為表裏上為乳汁下為月水然月水乃經絡之餘苟能調攝得宜則經應以時矣

愚按經曰飲食入胃游溢精氣上輸於脾脾氣散精上歸於肺通調水道下輸膀胱水精四布五經並行東垣先生所謂脾為生化之源心統諸經之血誠哉是言也竊謂心脾平和則經候如常苟或七情內傷六淫外侵飲食失節起居失宜脾胃虛損心火妄動則月經不調矣又丹溪先生云先期而

至者血熱也後期而至者血虛也愚所謂先期而至者有因脾經血燥有因脾經鬱火有因肝經怒火有因血分有熱有因勞役火動過期而至者有因脾經血虛有因肝經血少有因氣虛血弱主治之法脾經血燥者加味逍遙散脾經鬱火者歸脾湯肝經怒火者加味小柴胡湯血分有熱者加味四物湯勞役火動者補中益氣湯脾經血虛者人參養榮湯肝經血少者六味地黃丸氣虛血弱者八珍湯蓋血生於脾土故云脾統血凡血病當用苦甘之劑以助陽氣而生陰血也

附治驗

婦人發熱口乾月經不調兩腿無方或用祛風滲濕之劑腿痛體倦二膝浮腫經事不通余作足三陰經血虛火燥名鶴

膝風用六味八味二丸煎服兩月形體漸健飲食漸進膝腫漸消半載而痊

一婦人月事未期而至發熱自汗或用清熱止汗之劑作渴頭眩手掉身麻余曰此肝經血虛火動火為陽陽盛則生風用柴胡炒芩連山梔歸芍生地丹皮各一錢參芪苓木各一錢五分川芎七分甘草五分二劑汗止更用補中益氣而愈

一婦人經行勞役多然面赤吐痰余曰此乃去血過多陽無所附故耳急飲童便碗許神思漸爽更用參芪各五錢歸各二錢玄參柴胡山梔各一錢一劑又用逍遙散加五味麥門二劑如此月餘漸愈但體倦面黃又以十全大補加五味麥門治之而愈

一婦人性善怒產後唇腫內熱或用清熱敗毒散唇舌腫脹日嘔熱甚月水不調再用降火化痰遂令食少作嘔大便不實唇出血水又用理氣消導胸膈痞滿頭目不清唇腫經閉又用清胃行血肢體倦怠發熱煩躁涎水湧出又欲用通經之劑余曰病本七情肝脾虧損又數行攻伐故元氣之益虛耳法當補益陽遂以濟生歸脾湯加味逍遙散補中益氣湯調治元氣漸復諸症悉愈

薑黃散 治瘀血凝滯肚腹刺痛或腹脹發熱口乾等症

薑黃

當歸 酒拌各二不

蓬木 燂

紅花

桂心

川芎

玄胡索 炒

牡丹皮 各五

右水酒各一半煎服

醋附丸 治元臟虛冷月候不調頭眩少食渾身寒熱腹中急痛赤白帶下心冲氣悶血中虛寒胎氣不固用醋煮香附半斤焙為末醋糊丸桐子大每服三四十九米飲下
愚按前症若元臟虛寒手足逆冷用八味丸手足發熱用六味丸氣血不足用八珍湯中氣不足用補中益氣湯脾氣不足用六君子湯脾氣鬱結用歸脾湯若例用香散之劑恐陽氣燥而陰血漸衰也

附方

加味逍遙散 八珍湯 歸脾湯 三方見二十四卷第四
加味小柴胡湯 方見二十四卷第二論
加味四物湯 六君子湯 補中益氣湯 三方見二十四卷第六論

人參養榮湯 方見二十四卷第二論

八味丸 六味丸 二方見二十四卷第十一論

月經不通方論第六

婦人月水不通或因醉飽入房或因勞役過度或因吐血失血傷損肝脾但滋其化源其經自通若小便不利苦頭眩痛腰背作痛足寒時痛久而血結於內變為癥瘕若血水相係脾胃虛弱壅滯不通變為水腫若脾氣衰弱不能制水水漬肌肉變為腫滿當益其津液大補脾胃方可保生

愚按經水陰血也屬衝任二脉上為乳汁下為月水其為患有因脾虛而不能生血者有因脾鬱而血不行者有因胃火而血消燬者有因脾胃損而血少者有因勞傷心而血少者

有因怒傷肝而血少者，有因腎水不能生肝而血少者，有因肺氣虛不能行血者，治療之法若脾虛而不行者，調而補之，脾鬱而不行者，解而補之，胃火而不行者，清而補之，脾胃損而不行者，溫而補之，勞傷心血而不行者，逸而補之，怒傷肝而不行者，和而補之，肺氣虛而不行者，補脾胃，腎虛而不行者，補肺經，云損其肺者，益其氣，損其心者，調其榮衛，損其脾者，調其飲食，適其寒溫，損其肝者，緩其中，損其腎者，益其精，皆當審而治之。

附治驗

一婦人停食飽悶發熱，或用人參養胃湯益其氣，再用木香枳榔丸泄瀉吐痰腹中成塊，飲食少思，又用二陳黃連厚朴之類。

前症益甚，腹脹不食，月經不至，余以為胃氣虧損，用補中益氣加茯苓半夏三平餘劑，脾胃健而諸症愈，又二十餘劑而經自行。

一婦人飲食後或腹脹，或吞酸，彼服枳朮丸吞酸益甚，飲食日少，胸膈痞滿，腿內酸痛，畏見風寒，又服養胃湯一劑，腿內作痛，又二劑，腿膝浮腫，月經不行，余謂鬱結所傷，脾胃虛濕熱下注，侵晨用四君二陳芳歸午後，以前湯送越鞠丸，飲食漸進，諸症漸愈，又用歸脾八珍二湯，兼服兩月餘而經行。一婦人性沉多慮，月經不行，胸滿少食，或作脹，或吞酸，余以為中氣虛寒，用補中益氣加砂仁香附煨薑二劑，胸膈和，即飲食進，更以六君加芳歸貝母桔梗生薑大棗數劑，脾胃和而

經自調矣

一婦人素有胃火或用清胃散而安後因勞發熱湯內熱肌肉消瘦月經不行余謂此胃火消燬陰血用逍遙散加丹皮炒梔以清胃熱用八珍湯加茯苓遠志以養脾血而經自行矣

一婦人又患瘰癧形體怯弱內熱晡熱自汗盜汗飲食少思月事不行或用通經丸虛症悉具余曰此因虛而致瘰癧因瘰癧以閉經也用補中益氣及六味地黃丸各百餘劑瘰癧愈而經自行

一婦人又患瘰癧作則經不行形虛脈大頭痛懶食大便泄瀉小便淋瀝口乾唇裂內熱腹膨蓋由久瘰正氣已虛陰火獨旺用補中益氣湯治之尋愈惟不時頭痛乃加蔓荊子而痛止又兼用六味地黃丸而經行

一婦人因勞耳鳴頭痛體倦此元氣不足用補中益氣加麥門五味而痊三年後得子因飲食勞倦前症益甚月經不行晡熱內熱自汗盜汗用六味地黃丸補中益氣湯頻愈

一婦人胃氣素弱為梨母吐血咳嗽發熱盜汗經水三月不行余以為悲則傷肺思則傷脾遂朝服補中益氣加桔梗貝母知母之用歸脾湯送地黃丸而愈

一瘰癧少寐經水兩月餘一至誤服通經丸屢轉無寐午前期寒午後發熱余以為思慮虧損脾血用歸脾湯作丸午前以六君送下午後以逍遙散送下兩月餘得寐半載經行如期年餘而瘰愈餘詳見各門

附方

補中益氣

四君子湯

六君子湯

三方見二十四卷第六論

二陳湯

方見二十四卷第五論

越鞠丸

方見六卷第七論

歸脾湯

逍遙散

八珍湯

方見二十四卷第四論

清胃散

方見二十四卷首論

六味丸

方見二十四卷第十一論

養生必用論病第七

初虞世云女子十四天癸至任脉通月事以時壬是有子天癸者物之自然月者以月至經者有常也其來過與不及皆謂之

病若榮血虧損不能滋養百骸則髮落面黃羸瘦燥熱燥氣盛則金受和金受邪則為咳為嗽為肺癰為肺痿必矣但助胃壯氣則榮血生而經自行須慎飲食調七情保神氣庶可得生若暴怒氣逆經閉不行當用行氣破血之劑

愚按劉宗厚先生云榮者水穀之精和調於五臟灑陳於六腑乃能入於脉也源源而來化生於脾總統於心藏受於肝宣布於肺施泄於腎灌溉一身自得之而能視耳得之而能聽手得之而能握足得之而能步臟得之而能液腑得之而能氣注之於脉少則虛充則實常以飲食滋養則陽生陰長變化而為血諸經恃此則百脉長養耗竭則百脉空虛可不慎哉若陰氣一傷變症百出妄行於上則吐血兼滴於下則

癰閉血滲腸間則為腸風陰虛陽搏則為崩中濕蒸熱之加則為滯下熱極腐化則為膿血火極似水則血紫黑熱勝於陰發為瘡瘍濕滯於血則為痛痒癢疹著之在上則善忘甚之在下則善狂

琥珀散 治心膈迷悶肚腹撮痛月信不通等疾

烏藥酒製 當歸酒製 蓬朮醋製

右為末每服二錢溫酒調

萬病丸 治月經瘀閉臍腹作痛及產後癥瘕等病

乾漆炒烟出青 牛膝酒入焙

右為末生地黄汁一升砂器慢火熬膏丸桐子大每服二十丸空心米飲下仍參前論主之

紅花當歸散 治經候不行腰膝重痛小腹堅硬

紅花 當歸尾酒 紫葳 牛膝酒 甘草炙
蘇木各二錢 白芷 桂心各一錢半 赤芍藥一兩 劉寄奴五分

右為末每服三錢溫酒調

室女月水不通方論第八

論曰夫衝任之脈起於胞內為經脈之海手太陽小腸手少陰心二經為表裏女子二七而天癸至腎氣全盛衝任流通經血既盈應時而下否則不通也

愚按前症若稟陰血不足用四物參苓怒傷肝血用加味道遙散鬱結傷脾用加味歸脾湯肝火拂鬱用加味小柴胡湯胃經積熱用加味清胃散餘當參前論

附方

四物湯 方見二十四卷第六論

加味逍遙散 加味歸脾湯 二方見二十四卷第四卷

加味小柴胡湯 方見二十四卷第二

加味清胃散 方見二十四卷首論

室女經閉成勞方論第九

寇宗奭曰夫人之生以氣血為本人之病未有不先傷其氣血
散若室女童男積想在心思慮過度多致勞損男子則神色消
散女子則月水先閉蓋憂愁思慮則傷心而血逆竭神色先散
月水先閉且心病則不能養脾故不嗜食脾虛則金虧故發嗽
腎水絕則太髻不榮而四肢乾瘦故多怒而髮焦筋骨痠若五

臟傳遍則死有能改易心志用藥扶持庶可保生切不可用青
蒿虫蟲等涼血行血宜用柏子仁丸澤蘭湯益陰血制虛火
愚按經云五穀入於胃其糟粕津液宗氣分為三隧故宗氣
積於胸中出於喉嚨以貫心肺而行呼吸榮氣者秘其津液
注之於脉化以為血以榮四末內養五臟六腑若服苦寒之
劑復傷胃氣必致不起

附治驗

一室女年十七癩久不愈天癸未通發熱咳嗽飲食少思欲用
通經丸余曰此蓋因血氣不足陰血未充故耳但養氣血益
津液其經自行彼惑於速効仍用之余曰非其治也此乃慄
悍之劑大助陽火陰血得之則妄行脾胃得之則愈虛矣果

經血妄行飲食愈少遂致不救

栢子仁丸

栢子仁研別牛膝製酒 卷栢各半 澤蘭葉一兩

右為末蜜丸桐子大每服三十九空心米飲下

澤蘭湯

澤蘭葉二 當歸 芍藥炒冬 甘草炙五

右水煎服

劫勞散

治勞嗽發熱盜汗躄瘦唾中有紅或成肺痿

白芍藥炒一 黃芪炒 甘草炒 人參 五味子炒

當歸 半夏薑 白茯苓 熟地黃製自 阿膠炒各

右薑棗水煎日三服鄉人揚元鼎女及笄病此甚危百藥無

効偶遇名醫得此方服三十餘劑遂愈不容

血枯方論第十 出醫方古方

腹中論曰有病胸脇支滿者妨於食病至則先聞腥臊臭出清液四肢清目眩時時前後血病名曰血枯此年少時因天脫血或醉而入房虧損腎肝蓋肝藏血受天一之氣以為滋榮其經上貫膈布脇肋若脫血失精肝氣已傷肝血枯涸不榮而胸脇滿妨於食則肝病傳脾而聞腥臊臭出清液若以肝病而肺乘之則唾血四肢清目眩時時前後血出皆肝病血傷之症也

愚按前症若飲食起居失宜而脾胃虛損當滋化源而佐以烏賊丸等藥若因脾土虛寒而不能生血宜補命門火在服燥藥薑火內作而津液消燥宜清熱養血若脾胃虧損則氣

血虛宜補中益氣若胃熱消中而血液耗損宜清脾胃之火
若大便秘澀小便清利而經不行宜清胞絡之火若勞傷心
火血涸而經不行宜補心養血仍參前第三論主治

附治驗

一婦人久患血崩肢躄消瘦飲食到口則聞腥臊口出清液每
食少許腹中作脹此血枯之症肺肝脾胃虧損之患用八款
湯烏賊骨丸煎服兩月而經行百餘劑而安

烏賊魚骨丸

烏賊魚骨去兩

蘭茹一兩

右為末以雀卵丸小豈大每服五丸加至十丸鮑魚煎湯下
以飯壓之

熟地黃湯 治大脫血或醉入房月事不行以致前症

熟地黃製

澤蘭葉

白茯苓

人參

五味子炒

附子炮

禹餘糧製

當歸

酒製各五分

右為末每服三錢水煎空心服

附方

八珍湯方見二十四卷第四論

茯苓補心湯 治婦人心氣虛耗不能主血又不能制乎肺金

氣得以乘乎肝木肝既虧損則血不能藏漸致精血枯涸月

事不調此方專補心元之虛抑其肺氣調和榮衛滋養血脈

前方參蘇飲內除木香與四物湯對勻和每服四錢以薑水煎

溫服此方常進用以治宮娥多効

月水不利方論第十一

婦人月水不利者由勞傷氣血體虛而風寒客於胞內傷於衝任之脈故也若寸脈弦關脈沉是肝病也兼主腹痛孔竅生瘡尺脈滑血氣實經絡不利或尺脈絕不至兼生小腹引腰痛氣攻胸膈也

愚按前症屬肝膽二經蓋肝膽相為表裏多因恚怒所傷若本經風熱用補肝散血虛用四物加酸棗仁若腎水不足用六味丸若患諸瘡瘍治見第八卷二十四卷

牛膝散 治月水不利臍腹作痛或小腹引腰氣攻胸膈
牛膝酒製 桂心 赤芍藥炒 桃仁去皮
玄胡索炒 當歸酒浸 牡丹皮各一兩 木香三錢

右為末每服一錢溫酒調下或每服三五錢水煎

附方

補肝散 方見七卷第十一論

四物湯 方見二十四卷第六論

六味丸 方見二十四卷第十一論

月水行止腹痛方論第十二

婦人經來腹痛由風寒客於胞絡衝任或傷手太陽少陰經用溫經湯桂枝桃仁湯若憂息氣鬱而血滯用桂枝桃仁湯地黃通經丸若血結而成塊用萬病丸

愚按前症若風寒傷脾者六君加炮薑思慮傷血者四物加參木思慮傷氣者歸脾加柴梔鬱怒傷血者歸脾逍遙無服

餘參前後論治之

附治驗

一婦人經行腹痛食則嘔吐肢體倦怠發熱作渴此乃素稟氣血不足用八珍湯二十餘劑而愈後生孕二年而經不行前症仍作服八珍湯道遺散百餘劑方愈

地黃通經丸 治月經不行或產後惡露臍腹作痛

熟地黃自製 四兩 蜜蠶去頭 水蛭林米同炒 桃仁去皮尖各

右為末蜜丸桐子大每服五七丸空心溫酒下

萬病丸方見前

溫經湯 治寒風客於血室以致血氣凝臍腹作痛其脈沉緊

當歸

川芎

芍藥

桂心

蓬朮炒

牡丹皮各五 人參

牛膝炒

甘草各三分

右水煎服

桂枝桃仁湯 治經脈頓然不行腹中作痛或上攻心脇欲死

或因經脈不行漸成積塊臍下如覆杯

桂枝 芍藥 生地黃各二錢 桃仁七枚去皮尖 甘草一錢

右薑水煎

若因七情鬱結血隨氣滯者宜服此湯如不瘥用地黃通經丸已成血塊者用萬病丸方見前

愚按前症若肝經怒氣用加味道遙散若肝經血虛用四物參朮柴胡牡丹皮若肝經血熱用四物牡丹皮若肝腎虛火用六味地黃丸若肝脾血虛用八珍加牡丹皮若肝脾鬱怒

用加味歸脾湯若氣虛血弱用補中益氣湯若脾不能運血
用六君子加川芎當歸若肝虛不能藏血用補肝散

附方

六君子湯

四物湯 二方見二 四卷第六論

歸脾湯

逍遙散 八珍湯 三方見二十四卷第四論

月水不斷方論第十三

婦人月水不斷淋瀝腹痛或因勞損氣血而傷衝任或因經行
而合陰陽以致外邪客於胞內滯於血海故也但調養元氣而
兩邪自愈若攻其邪則元氣受傷矣

愚按前症若鬱結傷脾用歸脾湯若怒傷肝逍遙散肝火妄
動加味四物湯脾氣虛弱六君子湯元氣下陷補中益氣湯

熱傷元氣前湯加五味麥門炒黑黃柏

附治驗

儒者錢思習子室年三十餘無嗣月經淋瀝無期夫婦異處
幾年矣思習欲為娶妾以謀諸余余意此鬱怒傷肝脾虛火
動而血不歸經乃肝不能藏脾不能攝也當清肝火補脾氣
遂與加味歸脾逍遙二藥四劑遂至其家仍告其姑曰服此
病自愈而當受胎妾可無娶也果病愈次年生子

一婦人性急每怒非大陽耳項喉齒胸乳作痛則胸滿吞酸吐
瀉少食經行不止此皆肝火之症肝自病則外症見土受克
則內症作余先以四物加白朮茯苓柴胡炒梔炒龍膽清肺
血次用四君加柴胡芍藥神麩吳茱萸炒黃連以培土制

肺漸愈惟月經不止是血分有熱脾氣尚虛以逍遙散倍用

白朮茯苓陳皮又以補中益氣加酒炒芍藥煎服而安

一婦人多怒經行旬餘方止後淋瀝無期肌體倦瘦口乾內熱

盜汗如洗日晡熱甚皆由肝脾虧損無以生發元氣用參芪

歸朮茯苓神遠志棗仁交門五味丹皮龍眼肉炙草柴胡升麻

治之獲痊
一婦人懷抱不舒腹脹少寐飲食素少痰涎上湧月經頻數余

歸脾湯

逍遙散 二方見二十四卷第四論

附方

加味四物湯 四君子湯 六五子湯
補中益氣湯 四方見二十四卷第六論

婦人殺血心痛方論第十四

婦人血崩而心痛甚名曰殺血心痛由心脾血虛也若小產去

血過多而心痛甚者亦然用烏賊魚骨炒為末醋湯調下失笑

散亦効
愚按前症若陰血耗散用烏賊丸收斂之若瘀血不散用失

笑散行散之若心血虛弱用芩歸湯補養之若鬱結傷血用

歸脾湯調補之

附治驗

婦人血崩熱心痛三年矣諸藥不應每痛甚虛症悉具面色

六經陽明經婦人良方
卷一
九
痿黃余曰心主血蓋由去血過多心無所養以致作痛宜用十全大補湯參朮倍之三十餘劑稍愈百餘劑全愈

附方

失笑散

方見二十卷第五論

芩歸湯方見十七卷第四論

歸脾湯

十全大補湯二方見二十四卷第四論

崩漏下血不止方論第十五

婦人衝任二脉為經脉之海外循經絡內榮臟腑若陰陽和平經下依時若勞傷不能約制則忽然暴下其則昏悶若寸脉微逆為寒在上焦則吐血衄血尺脉微遲為寒在下焦則崩血便血大抵數小為順洪大為逆大法當調補脾胃為主

愚按經云陰虛陽搏謂之崩又云陽絡傷則血外溢陰絡傷

則血內溢又云脾統血肝藏血治法前症因脾胃虧損不能攝血歸源用六君加芩歸柴胡若肝經之火而血下行用香芩四物湯或四物加柴梔芩朮若肝經風熱而血妄行用加味消遙散或小柴胡梔芩丹皮若怒動肝火而血沸騰亦用前藥若脾經鬱結而血不歸經用歸脾加柴梔丹皮若悲傷胞絡而血下崩用四君加柴梔升麻故東垣先生云凡下血症須用四君子以收功厥有旨哉若大吐血母以脉論當急用獨參湯救之若潮熱咳嗽脉數乃元氣虛弱假熱之脉尤當用參溫補此等症候無不由脾胃先損故脉洪大察其有胃氣能受補則可救苟用寒涼止血之藥復傷脾胃反不能攝血歸源是速其危也

附治驗

大尹王天成之內父患崩自服四物涼血之劑或作或徹因怒發熱其血不止服前藥不應乃主降火更加脇腹大痛手俱冷余曰此脾胃虛寒所致先用附子理中湯體熱痛止又用濟生歸脾補中益氣二湯崩血頓愈若泥痛無補法則誤矣錦衣楊永興之內患前症過服寒涼之劑其症益甚更加肚腹痞悶飲食不入發熱煩躁脈洪大而虛余曰此脾經氣血虛而發躁也當急用小瓊湯加炮薑以溫補之緩則不救不信乃服止血降火之劑虛症蜂起始信余言緩不及治矣一婦人面黃或赤覺腰間或膝下作痛四肢困倦煩熱不安經行先發寒熱兩肋如束血湧如崩此脾胃虧損元氣下陷與

相火濕熱所致用補中益氣加防風芍藥炒黑黃柏間以歸脾湯調補而血始歸經

一婦人因怒崩血久不巳面青黃而或赤此肝木制脾土而血虛用小柴胡合四物清肝火生肝血又用歸脾補中二湯益脾氣生肝血而瘥此症若因肝經風熱而血不寧者防風為丸以兼症之藥煎送或肝經火動而血不寧者炒條芩為丸以兼症之藥煎送若瘀血為患用五靈脂為末燒鐵夾煨酒調服無不効者

奇効四物湯 治肝經虛熱血沸騰而崩久不止

當歸 酒拌

熟地黃 自製

白芍藥

川芎

阿膠 炒

艾葉 炒

黃芩 炒各等分

右每服四錢水煎

治血崩血瘕或經行產後心腹脇痛五靈脂炒烟盡為末每服一錢溫酒調或用三錢水酒童使煎服

治風熱血崩荆芥穗燈火燒焦為末每服三錢童便調

獨聖散 治肝經有風血崩用防風去蘆又為末每服二錢空心

食前酒煮白麵清飲調下極驗

神應散 治血虛內熱血不歸源而崩用桂心燒存性為末每

服一二錢米飲調下

又方陳槐花一兩百草霜半兩為末每服三錢燒紅秤錘碎酒下

附方

四君子湯

六君子湯

補中益氣湯

四物湯

四方見二十四卷第六論

歸脾湯

加味逍遙散

八珍湯

三方見二十四卷第四論

小柴胡湯

方見二十四卷第二論

獨參湯

方見三卷第十三論

附子理中湯

方見二十卷第八論

帶下方論第十六

婦人帶下其名有五因經行產後風邪入胞門傳於臟腑而致之若傷足厥陰肝經色如青泥傷手少陰心經色如紅津傷手太陰肺經形如白涕傷足太陰脾經黃如爛瓜傷足少陰腎經黑如衄血又有帶脉橫於腰間如束帶之狀病生於此故名帶愚按徐用誠先生云前症白屬氣而赤屬血東垣先生云血崩久則亡陽故白滑之物下流未必全拘於帶脉亦有濕痰

流注下焦或腎肝陰淫之濕勝或因驚恐而木乘土位濁液下流或思慕為筋痿戴人以六脉滑大有力用宣導之法此瀉其實也東垣以脉微細沉緊或洪大而虛用補陽調經乃兼實其虛也丹溪用海石南星椿根皮之類乃治其濕痰也竊謂前症皆當壯脾胃升陽氣為主佐以各經見症之藥色青者屬肝用小柴胡加山桅防風濕熱壅滯小便赤澀用龍膽瀉肝湯肝血不足或燥熱風熱用六味丸色赤者屬心用小柴胡加黃連山桅當歸思慮過傷用妙香散等藥色白者屬肺用補中益氣加山桅色黃者屬脾用六君子加山桅柴胡不應用歸脾湯色黑者屬腎用六味丸氣血俱虛八珍湯陽氣下陷補中益氣湯濕痰下注前湯加茯苓半夏蒼朮黃

栢氣虛痰飲下注四七湯送六味丸不可拘肥人多痰瘦人多火而以燥濕瀉火之藥輕治之也

附治驗

一 婦人腹脹脇痛內熱晡熱月經不調肢體痠麻不時吐痰或用清氣化痰喉間不利帶下青黃腹脇膨脹又用行氣之劑胸膈不利肢體如麻此乃鬱怒傷積肝脾朝用歸脾湯以解脾鬱生脾氣夕用加味道遙散以生肝血清肝火百餘劑而婦人久瘡黃帶發熱口乾體倦用七味白朮散加麥門五味太劑煎與恣飲再發稍可乃用補中益氣加茯苓半夏十餘劑而愈

一 婦人頭暈吐痰胸滿氣喘得食稍緩苦於白帶二十餘年矣

諸藥不應此氣虛而痰飲也痰飲愈而帶自愈遂朝用六君子湯夕用六味地黃丸不月而驗

一婦人耳鳴胸痞肉熱口乾喉中若有_一核吞吐不利月經不調兼之帶下余以為肝脾鬱結用歸脾湯加半夏山桅升麻柴胡_以間以四七湯_下白丸子而愈

一婦人吞酸飽滿食少便泄月經不調服清氣化痰丸兩膝漸腫寒熱往來帶下黃白面痿體倦此脾胃俱虛濕痰下注用補中益氣倍用參朮加茯苓半夏炮薑而愈

一婦人帶下四肢無力余曰四肢者土也此脾胃虛弱濕痰下注以補中益氣濟生歸脾二藥治之而愈

一婦人帶下黃白怒則胸膈不利飲食少思或用消導利氣之

藥痰喘胸滿大便下血余曰此因脾氣虧損不能攝血歸源用補中益氣加茯苓半夏炮薑四劑諸症頓減又用八珍加柴胡山桅而痊

附方

小柴胡湯方見二十四卷第二論

龍膽瀉肝湯方見二十四卷第八論

六味丸方見二十四卷第十一論

妙香散方見三卷第十三論

補中益氣湯 六君子湯_{上方見二十四卷第六論}

歸脾湯 八珍湯 加味道遙散_{上方見二十四卷第六論}

七味白朮散方見二十一卷第二論

四七湯 方見三卷第四論

崩中漏血生死脈論第十七

婦人崩中漏下之症已見前論按其寸口脈弦而大弦則為繫大則為乳緊則為寒乳則為虛虛寒相搏其脈為牢婦人半產漏下赤白不止脈小虛滑者生脈大緊實數者死又脈急疾者死遲者生又云尺寸脈虛者漏血脈浮者俱不治

愚按前症聞內經微音濟無窮天札須固胃為善蓋胃為五臟之本源人身之根蒂所用治法當察前後論

附治驗

一婦人年將七十素有肝脾之症每作則飲食不進或胸膈不

利或中脘作痛或大便作瀉或小便不利余用逍遙散加山梔茯神遠志木香而愈後憂女孀居不時吐紫血其病每作元倦怠而後發熱經曰積憂傷肺積思傷脾肺脾受傷舉是念之每俱病不能攝血歸經而致前症遂以前藥加炒黑黃連三分吳茱萸二分頓愈復因怒吐血甚多躁渴垂死此血脫也法當補氣乃用人參一兩苓朮當歸各三錢陳皮炮黑乾薑各二錢炙甘草木香各一錢一劑頓止

一婦人年六十有四久鬱怒頭痛寒熱春間乳內時痛服流氣飲之類益甚不時有血如經行又因大驚恐飲食不進夜寐不寧此因高年去血過多至春無以生發肝木血虛火燥所以至然則發赤經云肝藏魂無所附故不能寐先以

逍遙散... 酒炒黑龍膽草一錢山桅一錢五分... 退又二劑而全消... 表第方健甫內五十歲辛丑患血崩諸藥罔效... 熱體痛頭暈涕出吐痰... 余診之曰脾胃久虛過服寒藥中病未已... 味丸料一服翌早遂索粥數匙再服食倍熱減痛止... 味丸而愈癸卯秋因勞役憂怒甲辰夏病復作胸飽發熱脊... 痛腰疼神氣憊... 或作內傷或作中暑崩血便血煩渴引飲... 粒米不進昏憤時作脈洪大按之微弱此無根之火內虛寒... 而外假熱也以十全大補加附子一劑遂食粥三四匙崩血... 漸減了服八味丸始得全愈備見女科撮要

栢葉散 治元氣虛弱崩中漏血年久不愈亦治白帶

- 栢葉炒
- 鱉甲炙
- 赤石脂煨
- 續斷炒
- 龜甲炙
- 艾葉炒
- 川芎
- 當歸
- 生地黃
- 禹餘糧各一兩
- 阿膠炙
- 牡蠣煨
- 地榆
- 鹿茸炙各五錢

右為末每服二錢粥飲調下
地黃丸 治足三陰虧損經行數日不止或兼帶下無子

- 熟地黃製
- 山茱萸肉
- 菴黃仁各一兩
- 乾薑三錢
- 白芍藥炒
- 代赭石各一兩
- 白殭蚕炒
- 厚朴製各三錢

右為末蜜丸桐子大每服五十九丸空心溫酒日三服許學士云凡婦人有白帶多致不產育宜速治之故扁鵲過鄆聞婦人病此病遂自鳴帶下醫以就治之

白芷散 治元虛弱赤白帶下或經行不止等症

白芷 西一 海螵蛸 燒二枚 胎髮 一團

右為末每服二錢溫酒調下

附方

東垣益胃升陽湯 治血脫當益其氣蓋先補胃氣以助生發之氣故曰陽生陰長諸甘藥為之先務舉世皆以為補氣殊不知其能生血此陽生陰長之理故先理胃氣則血歸於脾矣故曰脾統血

東垣升麻除濕湯 二方見二十卷第九論

東垣升陽益胃湯 治肺脾胃虛怠惰嗜卧四肢不收身體沉重口乾食無味大便不調小便頻數食少食不消洒淅惡寒

而或微熱崩帶不止 方見三卷第十三論

十全大補湯 逍遙散

婦人白濁白淫方論第十八

八味丸方見二十四卷第十一論

婦人小便白濁白淫由心腎不交水火不濟用金鎖正元丹若心虛而致用平補正心丹降心丹威善丸若思慮傷脾用四七湯吞白丸子更以烏沉湯加茯苓益智

愚按前症若元氣下陷用補中益氣湯脾胃虧損六君加升麻柴胡脾經鬱結歸脾加黃柏山梔肝經怒火龍膽瀉肝湯

道遙散宜與帶下參者主治

附治

一婦人善怒或小腹痞悶或寒熱往來或小便頻數時下白淫藥久不愈面青口苦余以為積憤而不能發散所致用龍膽瀉肝湯而愈用加味逍遙散八瓊湯而安

鎖精丸

治下元虛弱小便白濁或白帶淋瀝小便頻數

破故紙炒

青鹽 白茯苓皮 五味子炒等

右為末酒糊丸桐子大每服三十九丸鹽湯或酒下

固精丸

治胞氣虛寒小便白濁或小便無度等症

牡蠣煨

兔絲子酒浸

韭子炒

龍骨煨

五味子炒

白茯苓皮

桑螵蛸酒炙

白石脂煨各

右為末酒糊丸桐子大每服七十九丸空心鹽湯下

附方

補中益氣湯

六君子湯 二方見二十四卷第六論

龍膽瀉肝湯

方見二十四卷第八論

歸脾湯

方見二十四卷第四論

婦人天癸過期方論第十九

許學士云婦人經脈過期不及腰腹疼痛或七七數盡而月經不來宜用當歸散治之

愚按前症若肝腎虛熱用當歸散肝血虛熱四物加柴梔丹

皮肝火內動小柴胡加山梔丹皮肝火血燥加味逍遙散脾

經鬱火加味歸脾湯肝脾鬱火歸脾道遙兼服肝腎虧損歸

脾六志 仍與前後月經不調治驗同用

婦人年五十內熱晡熱經水兩三月一至此血虛有熱用道
遙散加山茱萸治之而愈後有痰作渴或小便不調或頭暈
白帶用六味丸而安

當歸散

當歸酒

川芎

白芍藥炒

黃芩炒

白朮炒各半兩

山茱萸肉半兩

右為末每服二錢酒調日三服氣虛去麥加桂心一兩

附方

四物湯方見二十四卷第六論

小柴胡方方見二十四卷第二論

加味道遙散

加味歸脾湯

二方見二十四卷第四論

六味丸

方見二十四卷第十一論

婦人血分水分腫滿方論第二十

婦人經水不通則化為血血不通則復化為水故先因經水斷
絕後四肢浮腫致小便不通名曰血分宜用椒仁丸若先因小
便不通後身面浮腫致經水不通名曰水分宜用葶藶丸經脈
不通而化為水流走四肢悉皆腫滿亦名血分其症與水症相
類實非水也用人參丸

愚按前症或因飲食起居失養或因六淫七情失宜以致脾
胃虛損不能生發統攝氣血乖違行失常道若先因經水斷
絕後至身面浮腫小便不通血化為水名曰血分宜用椒仁

九治之者先小便不利後至身面浮腫經水不通水化為血
名曰水疝宜用葶藶丸治之此屬形氣不足邪淫隧道必用
此藥以宣導其邪而佐以補輔元氣之劑庶使藥力有所及
而行則邪自不能容而真氣亦不至於復傷矣大凡月水不
通凝結於內久而變為血瘕血水相并亦為水腫

附治驗

一婦人月經不調晡熱內熱飲食少思肌體消瘦小便頻數或
用濟陰丸月經不行四肢浮腫小便不通余曰此血分也朝
用椒仁丸夕用歸脾湯漸愈服入參丸兩月而愈仍專用歸
脾湯五十餘劑而平

一婦人面自浮腫月經不通此水分也朝用葶藶丸夕用歸脾

湯漸愈更用人參丸兼服而全愈

一婦人素性急先因飲食難化月水不調或用理化痰藥反肚
腹膨脹大便泄瀉又加烏藥蓬朮肚腹腫脹小便不利加猪
苓澤瀉痰喘氣急手足厥冷頭面肢體腫脹指按成窟脉沉
細右寸尤甚余曰此脾肺虛冷不能通調水道下輸膀胱滲
泄之令不行生化之氣不運東垣云水飲留積若土在兩中
則為泥矣得和氣暖日水濕去而陽化自然萬物生長喜其
脉相應遂與金匱加減腎氣丸料服之小便即通數劑腫脹
消平四肢漸溫自能轉側又與六君加木香肉桂炮薑治之
全愈後不戒七情不節飲食頓作泄瀉仍用前藥加附子五
分而愈

大醫... 治... 一卷

椒仁丸 治... 附子炮 郁李仁

黑牽牛 炒 五靈脂 去石 當歸 吳茱萸 玄胡索

芫花 炒酒 石膏 各二 信砒 膽礬 各一 斑猫 糯米

芫青 各二十箇 糯米 右為末 麵糊丸 葶藶 大每服十丸 陳皮湯送下

人參丸 治月經不利而化為水流 走四肢 悉皆腫滿

人參 當歸 大黃 蒸熟 切焙 桂心

藿麥穗 赤芍藥 白茯苓 各三 葶藶 炒 別研

青蘆丸 治... 亦芍藥 白茯苓 各三 葶藶 炒 別研

青蘆丸 治... 亦芍藥 白茯苓 各三 葶藶 炒 別研

研... 續隨仁 五錢 乾笋末 兩

小調經散 治經水失道 流入四肢 浮腫 方見產後四

附方 歸脾湯 方見二十四卷第四論

金匱加減腎氣丸 方見二十二卷第十論

六君子湯 方見二十四卷第六論

六君子湯 方見二十四卷第六論

六君子湯 方見二十四卷第六論

大醫院校註婦人良方 一卷 三十一

大醫院校註婦人良方卷之一終



